

40163



»»»»)(**X**)(»»»»

LAUDETUR JESUS CHRISTVS, AMEN.

CONFERENCE TIAE THEOLOGICO-MORALES DE CASIBUS CONSCIENTIAE.

In Congregatione Cleri Decanatus Foranei,
propositæ & resolutæ.

40163

T 6

- Q. I. An recipiat Gratiam, qui communicat cum mortali peccato ignorato?
- Q. II. Adultus, qui baptizatur, non dolens de actualibus peccatis, an recipiat Gratiam?

S V M M A R I U M.

1. Effectus Sacramentorum qui, & quot sint?
2. Gratia Divina quid sit, & quotuplex?
3. Gratiæ Sanctificantis Divisiones variae.
4. Gratia alia 1ma. alia 2da datur in Sacramentis.
5. Gratia ex opere operato, vel ex opere operantis quid sit?
6. Gratiam imam an recipiat, qui Eucharistiam sumit cum peccato mortali ignorato?
7. Adultus de peccatis actualibus non dolens in Baptismo, an recipiat Gratiam?

BIBLIOTHECA UNIVERSITATIS



JACOBELLINICAE

Explandum necessariò venit. Qui, & quot sint effectus Sacramentorum? Communis responso ex Theologorum & Canonistarum doctrina, eos esse tres. 1mo. Gratiam sanctificantem ex opere operato: 2do Characterē. 3to Ornatum Animæ & auxilia quædam actualia ad obtinendum finem, in quem singula Sacraenta sunt à Christo Domino

* * *

Domino ordinata. *Primus effectus id est.* Gratia sanctificans est communis omnibus Sacramentis. *Ex Concil. Tridentino: Sess: 7. Can: 8.* Secundus nempe Character reperitur in tribus tantum. videlicet. In Baptismo. Confirmatione. & Ordine. *Tertius effectus est proprius omnium Sacramentorum.* *S. Thom: 3. p. q. 62.* *Scotus in 4. d. 1. q. 7.* *Gobat de Sacramentis tract: 1.* *Num: 279.*

Ad primum effectum, adhuc explicare necesse est.
2. *Quid & quotuplex sit Gratia Divina?* Gratia Divina generalissimè & in lata acceptione sumpta, significat omne bonum omneq; donum tam naturale quam Spirituale, quod Deus hominibus largitur. *Card: de Laurea. de Gratia num: 6.* Gratia autem est in duplice differentia. *Una est.* quæ vocatur Gratia gratis data. *Altera quæ dicitur Gratia sanctificans,* seu gratum faciens. *Ima est* liberalis Dei donatio donorum suorum ad utilitatem proximi, quæ quidem dona sunt novem descripta ab Apostolo *I. Cor: 12.* *Sapientia, Scientia, Fides, Gratia Sanitatum, Operatio Virtutum, Prophetia, Discretio Spirituum, Genera lingvarum, & Interpretatio sermonum.* Vocatur autem hæc Gratia à *S. Thoma.* *12. q. 111. Art: 5.* inferior, & minus digna, tum quia potest haberi, & non haberi, juxta Dei placitum: tum etiam quia reperitur aliquando in homine peccatore, ut in Iuda proditore, & in Balaam, *Card: de Laurea disp. 11. Nro 62.* quamvis raro id eveniat.

Gratiæ vero Sanctificantis, seu gratum facientis, plures 3. sunt definitiones. Est quædam participata similitudo Divinæ naturæ. *S. Thomas q. 62. Art: 1.* Est auxilium, quo indiget homo ad beatitudinem consequendam. *Ex Polyanthea. Verbo Gratia.* Est habitus supernaturalis, infusus Animabus

❀ ❀ ❀

nimabus nostris ex Dei dono, quo Ei reconciliamur, &
ad tuam amicitiam admittimur, ita ut inde formaliter san-
cti & justi simus, ac secundum spem hæredes vitæ æternæ,
vel qui iam justi sunt & sancti, magis justi & sancti effici-
antur. *Reginaldus Lib: 26. Num: 43.* Tandem ex Cate-
chismo Rom: *de Baptismi effectibus Sess: 50.* Est Divina
qualitas in Anima inhærens, ac veluti splendor quidam &
lux, quæ Animarū nostrarum omnes maculas delet, ipsas-
que Animas pulchriores reddit. Quam definitionem exor-
nando. *Volpi Resol: 70. Num: 4. subdit.* Gratiam hanc
sanctificantem esse vitam Animæ: sicut enim corpus mortu-
um est sine Anima, ita homo vivus vita spirituali, cùm
habet hanc Gratiam: propterea est omnino necessaria ad
salutem, quia sine ipsa impossibile est mereri vitam æter-
nam. *Concil: Trid: Sess: 6. Can. 1. 2. & 3.* Porro *Gratia*
gratum faciens varie dividitur à Theologis Moralibus, &
à Theologis speculativis. Hi docent Gratiam esse præven-
tientem, vel excitantem vel adjuvantem, vel cooperan-
tem, vel subsequentem, vel medicinalem, & sanantem,
vel sufficientem, vel efficacem, vel qua vel sine qua. *S. Tho-*
mas in 12. q. IIII. art: 2. & 3. Card: de Laurea. Opuse: 3. de
Gratia: Cleric: Decis Sacr: 17. Tom. I. Ubi sic declarant
prædictas Divisiones.

Præveniens. Gratia seu auxilium præveniens, qua
Deus prævenit intellectum, & voluntatem humanam in
ordine ad actus bonos & sanctos, illuminando intellectum
ad cogitandum hic & nunc de illis; & inspirando volun-
tati, ut consentiat & exequatur.

Excitans. Est illa, quæ Animam quasi sopitam, &
(2) de bo-

◆ ◆ ◆

de bono non cogitantem excitat ad cogitandum & cupiendum tale bonum.

Adjuvans. Est illa quâ Deus hominem illuminatum præventum, excitatum, ac expergefactum adjuvat, ut exequi possit bonum illud, jam cognitum & inspiratum.

Cooperans. Solo nomine differt ab excitante, seu adjuvante, quia non est alia species ab eis distincta.

Subsequens. Est eadem cum adjuvante & solùm differt in modo & duratione usque ad finem vitæ, ac operis.

Medicinalis. Seu sanans. Est eadem cum præveniente & adjuvante nec non cum efficaci, sed sic appellatur respectu diversi modi, & ab effectu medendi, seu sanandi.

Sufficiens. Illa dicitur, per quam potest homo pils actionibus, & bonis operibus salutem suam procurare & consequi, & quam Deus nulli, habenti rationis usum denegat, sed ei Gratia resistitur, & non obsequitur, effectus salutis.

Gratia efficax. Est illa, quæ opus bonum sive Præcepti, sive Consilii, à Deo inspiratum connexum habet. Et haec non omnes Fideles ex justo Dei judicio obtinent. Sciri autem non potest, nec de hac re sciscitari expedit, cur Deus non det singulis hominibus hanc Gratiam efficacem: sed certum est, Ejus Divinam Bonitatem esse justissimam, & ab acceptione personarum vel iniquitate alienissimam. Ideo exclamare oportet cum Apostolo. *Rom: II. O Altitudo Divitiorum, Sapientiae & Scientiae Dei! quam incomprehensibilis sunt iudicia ejus.* *

Gratia

* Aut respondere cum S. Augustino Tract: 26. in Joani: ubi inquit. *Quare hunc trahat, & aliud non trahat, noli velle judicare, si non vis errare.*

Gratia qua, & sine qua non, dicitur prout convenit,
vel adversatur efficaci, & non differt specie, sed in mo-
do. Ut subtiliter explicat. *Card: de Laurea l. c.*

Theologi autem morales Divinam Gratiam in rela-
tione ad Sacra menta dividunt. in PRIMAM & SECUNDAM. 4.

*Gratia prima est, quæ datur existenti in statu origi-
nalis peccati, vel actualis mortal is per Baptismum, quan-
do adultus baptizatur, vel peccatori baptizato attritionem
tantum habenti & consitenti per Sacramentum Pænitentiae.*

*Gratia secunda dicitur, quæ datur iam existenti in
Statu Gratia, facta additione novi gradus ejusdem Gra-
tia ad priorem jam habitum.*

Tandem eadem Gratia Sacramentalis alia dicitur.
*Ex opere operato. quæ procedit ex virtute Sacramenti su- 5
cepti, & meritis operatis Christi. Alia Ex opere operantis.
quæ metitur ex devotione & dispositione suscipientis.
His præmissis. Quia peccatum mortale impedit assecuti-
onem Gratia, & hæc stare non potest simul cum peccato.
Resolvendus est casus sequens. Timotheus accedit ad Sa-
cram Eucharistiam cum peccato mortali, cuius tamen non recor-
datur, & de quo nunquam habuit contritionem. Quæritur an 6.
recipiat Gratiam virtute Sacramenti Eucharistiae? Resp: Affir-
mative. Supposito quod ipse Timotheus diligentem suæ
conscientiae examinationem præmisserit. Quia & si propri-
um sit solius Baptismi, & Pænitentiae causare imam gra-
tiæ; illa enim dicuntur Sacra menta mortuorum: at ve-
rò Eucharistiæ aliorumque Sacra mentorum, quæ vivorum
appellantur, causare gratiam imam, seu augmentum gra-
tiæ imam, nihilominus in proposito casu Eucharistia habet
virtutem causandi etiam gratiam imam non per se, sed
per*

◆ ◆ ◆

per accidens ea ratione: quia Timotheus suscipiens Eucharistiam cum peccato ignorato invincibiliter, non suscipit indignè, dignitas enim requisita ad suscipiendam Eucharistiam est dignitas humano modò cognoscibilis: alioquin deberet expectari revelatio Divina de dignitate sumentis. Ergo sic sumendo recipit gratiam Sacramenti, quæ semper datur non ponenti obicem, quem non ponit Timotheus ob totalem oblivionem peccati. *Ita ex S. Thoma 3. p. q. 79. Art: 3. Cler: Decis: Sacram: f. 25. tom: 1.*
Ad 2dum casum. *Adultus de peccatis actualibus non*
7. dolens in Baptismo, an recipiat gratiam?

Respondent Theologi, resolutionem hujus casus pendere ab illa quæstione: An Sacramentum suscepsum cum fictione, recedente fictione producat gratiam, & peccata remittat? Prætermisis aliis duo sunt prænotanda. *Unum* quodd tripes potest esse fictio in suscipientे Baptismum. *Intentionis.* Fidei. Et voluntatis. *1mo.* Si vi adigatur ad ipsum, nolens omnino baptizari: & in hoc casu Baptisma non solum est informe, id est non formatum gratiam, sed invalidum. *2do.* Quando non credit essentiā Baptismi, sed illum recipit ut naturalem & simplē balneationem tantum, & in hoc pariter casu nullum recipit effectum Sacramenti, neq; Characterem. *3to.* *Voluntatis.* Quando non est benè dispositus, quia habens peccata, eorum ipsum non paenitet, *Alterum* prænotandum est, quod in tali fictione voluntatis peccata vel præcedunt Baptismum, vel committuntur in ductu receptionis Baptismi, vel post susceptum Baptismum: peccata in receptione Baptismi vel post Baptismum, commissa non delentur, & per consequens non acquiritur gratia nisi

❀ ❀ ❀

nisi per contritionem veram cum proposito confitendi,
vel cum attritione, & actuali Confessione Sacramentali
simul. Et distingvendum est. Vel baptizandus adultus
non habuit attritionem de peccatis suis ex ignorantia in-
vincibili, quia vel non fuit instructus & monitus, vel
credidit se esse attritum, & non erat. Et in hoc casu,
quotiescumq; post Baptismum elicuit actum attritionis re-
movebitur obex, & recipiet gratiam Sacramenti. Vel cul-
pabiliter non fuit detestatus peccata sua, & tunc ad ob-
tinendam gratiam, & removendum obicem necessaria est
attritio cum actuali Confessione, vel contritio cum pro-
posito confitendi. Ita Diana Coordin. tom. 1. trad: 1. re-
fut: 26. Cleric: l. c.

Quare casus noster resolvitur dicendo, gratiam reci-
pi ab adulto baptizato qui non doluit de suis peccatis,
tunc, & quando elicit actum attritionis, si absq; culpa
non doluit in Baptismo. At necessariam esse contritio-
nem, vel attritionem cum Confessione, ut gratiam reci-
piat, si culpabilis fuit omittendo actus attritionis neces-
sariæ in Baptismo. Ita DD. supra cit:

*Defendentur in Congregatione Cleri Decanatus Foranei Andreo-
vien. Diæcesis Crac: die 8. Mensis Iuny Anno 1761. In Ecclesia
Parochiali Andreovien: celebrata, Sub præsidentia Decani Loci.
Objectis satisfacente A. R. Ignatio Kotowski Præbend: Iemielnen.*

M E M O R I A L E.

Sacerdotes Domini incensum, & panes offerunt Deo &
ideo sancti erunt Deo suo, & non polluent nomen Ejus.
Lev. 21.

Sacerdotes sine macula voluntatem habentes in lege
Domini. *1. Machab: 4.*

Sum-

❀ ❀ ❀

Summum studium in eo ponat Parochus, ut tam ipse
SScum SACRAMENTUM quā decet reverentiā debitoq;
cultu latrix tractet, tum populus religione colat; Devoti-
onemq; in fidei populo erga hoc AUGUSTISSIMUM SA-
CRAMENTUM excitari curet, eximiamq; in nos chari-
tatem Dei explicet. Etenim nulla est natio tam grandis,
quæ habeat Deos appropinquantes sibi, sicut Deus noster adest
nobis Deut: 24. 2dō Frequenter prædicet, quām pium &
meritotum sit hoc opus, in quo fulget fides nostra, mens
impletur gratiā, & futuræ gloriæ nobis pignus datur. 3dō
Certos faciat populos de Dei beneficentia in eos, qui ve-
nerantur Christum Dominum verè & realiter in Eucharis-
tia existentem, & hujus rei exempla depromat ex Autho-
ribus Ecclesiasticis. E contra enarret puniones & vindi-
ctas in eos, qui inde voti fuere erga Divinissimum hoc
Sacramentum. 4to. Enuntiet impias derisiones tum Judæ-
orum tum hæreticorum, quorum perfidiam supplere de-
bet pietas & devotio fidelis populi. 5to Proponet unicuiq;
Fidelium in extremo vitæ Christum Dominum non esse
permissurum, ut absq; Divino Viatico ex hac vita dece-
dat ille, qui fuerit sollicitus in promovendo cultu *SSmi*
Sacramenti. Ex hoc memoriali solliciti sitis Fratres, oto-
mnia fiant secundūm ordinem, ut omnia sint munda, &
preciola, quæ sunt Altaris *SSmi Sacramenti*, & erga Divi-
nissimum hoc Altare liberales in decorum & ornamentum,
ut nostrō exemplō populi discant Redemptorem nostrum
in Sacramento corde & opere revereri & venerari.

*Gratia Domini Nostri Iesu Christi cum Spiritu vestro Fra-
tres, Amen. Ad Gal: 6.*

❀ ❀ ❀

